

Mataayo 26



Balalu
lahho 'o giyaa
ili kahhiyee sa
dawaraa losona gu
Pasaaka, Yeesu gi
day tongoo da
Betaniyaage, daqa daa ilii
ibimaamidiye Lasaaro gwaa
gwaaau, hii daa slafisi ha Yeesu.
Da hhe 'esi, Mariyaa gii
oodi nusuu gu liita da duuya
da beyii dihhi. Ina gi maakhadi
ye 'eeroo gu Yeesu haa gi buuslidi
hari quubu gu saga gosi. Duuyaatee dagaati boo'misi
hari humbalaalay doó narido eteedine da kooma
tafu gu hhou. Mara goõ gii qoomi tafu gu duuyaatee.



Da hhe 'esi Yuuda Isikariyooti, leẽ gu sirakoomiisee
mibi haa cada da Yeesu, gi hadakay daqa hhapalooee
da denige, ma ilakhuukhu 'usi
haa inay, idoo gi ilii fookidiye
Yeesu, gigi taatahhi
dabaïï koinay.



Qatlay giyaa ilii akhasiri teesaaqay, yaa hha 'aluumidiri
hari khisla, te 'esii hingigi ila'mbidiri buaraa peesay

sa Yuuda sa iliiawaraa dooina.

Da hhe 'esi Yuuda gi tlaatleesi

dabiidu mucus gu hhou gu

hiifookida Yeesu.




Da hhe 'esi, sirakoomiisee gi laqiri,
idoo Yeesu sigaani ilii kaay gooay,
inay gi ilakhuukhu 'usiri losona gu
Pasaaka. Qatlay giyaa ilii /agiiginee,
Yeesu yaa hiioy mukaatimoo, gi
kaay /isoo daqa Iliitleemuge, gugi
fendehhemisi, haa gi tosaa hadisi sa
sirakoomiisee dosi. Ina gi kaay tuba,
“Owaa /agima, haā na
slaqwa doyi.”




Da hhe 'esi, gii oy qulu/uu
gu difaay, gi kaay/iisoo daqa
Iiittleemuge, gi tosaa hadisi sa inay
tuba, "Kitahhama gonkokunaa hari
qulu/uki. Haā na ceedee doyi da
laqama ila/mbidu gu/abu, da
tuutuquda sa hida wa/a, digima
ilamooyimi tlakwaroo dooina."



Yeesu gi kaay tuba, “Simooni, Simooni! Yu 'udiyaa!
Sataanimoo hii firimi, ma koimisi unkuray goõ, taqay
dooslimiisay gooay giyoó ilii heele 'emisiye baruû.
Teesaaqay see, ana haã firimi Ilittleemu sa ugu
Simooni ambee, /imba doogu daqa dooii ba/atii slakuta.
Kara qatlay goo ilii fookite daqa dooii, muuna/atlisii
hhiee koku.”



Peetiro gi kaay sa ina tuba, “Looimoo gu Goõ, ana haã/ímbi waauda sliimaa haa ugu jeerage, gimati gwaa 'araage see.” Yeesu gi kaay tuba, “Peetiro, sugu kaay ugu ambee, konkaku gi ilii kahhiye ceearaa amasi gu letuti, ugu hanooti tlankida waa tami tuba, ana hani hhidinta.”



Da hhe 'esi, Yeesu gi
hadakay sliimaa haa
sirakoomiisee dosi
daqa doó eteedine
Getesemaani. Te 'esii,
Yeesu gi kaay sa inay
tuba, “Ibiida ti 'ii, ana ha
hadakaw yaqay ma firoo
kay Iliitleemu.”



Qatlay giyaa ilii firiirine,
gi kaay tuba, “Aaba, ye
Taataa, gimba sliimaa
daqa dooguu gutii
slaahhuslaahhu kilesi.
Inkoo aare sini surukuside
quluuki gu laba 'asu daqa
dooaa. Teesaaqay see,
hhanti yondita idoo ga
iliislae ana, yondiidi idoo
ga iliisla 'ade ugu.”



Teesaaqay, Yuuda yaagi khay qaymoteesii, tay hingaani giyaadisi ha raqa da sirikaarii da Ruumi sliimaa haa yondimiisee da deni, daa yaabi haa hhapalooee da deni haa Farisaayoo. Inay yaa konay taa, mumbaalaī haa khasima.


Cirakiray, leē tlaā gooinaa, gii maahhasi yondimiisay gu hhapalooay gu didiru hari pangaa, gugi afakere 'esi eea dosi dauya. Te 'esii, Yeesu gi kaay tuba, "Maw teesaaqay laqa!" Yeesu gi nangusi eea da heedikee haa gugi hhoeesi.



Inkoo, gi ooyiri Yeesu, gugi leehhesiri mara gu hhapalooay gu didiruge. Peetiro gigi sirakoomi alungo hari seesegeē. Inay giyaa illi hhe 'esiri hamisa aslaa tla/aā gu efeenaage, gi ibiidiri sliimaa. Da hhe 'esi Peetiro gi ibiidi tla/aā gooinay.



Yondimiisay leē gu
hhapalooay gu didiru,
hhia gosi heedikira,
daa afakere 'esi eea
ha Peetiro, gi maasi
Peetiro tuba, “Gu lou,
ana hagwaa arimiibaslii ugu
tindigaage sliimaa haa Yeesu?”
Peetiro gugi kara tlanki Yeesu,
nama qatlaykeesii lenge, konkaku
gi ceei. Te 'esii, Peetiro gii caī
khoorooge, gi/aa/ hari
slahhaa 'amee.




Da hhe'esi, balasatee da didiri goō gii tlaydi, gi leehhisiri Yeesu daqa Pilaatuge. Teesaaqay, Pilaatu gi maasi Yeesu tuba, “Ugu na inaa mutemi gu Wayahuudi?” Yeesu gi ilakiisi ina tuba, “Ugu niī teesaaqay kaadi!” Kara, Pilaatu gi gimbuusi haa inay, sa gimba, ina yaa slai geemawaraa Yeesu.

Teesaaqay see, inay gi ilakoniri maahhoo kakaanay tuba,

“Tluhumisakuu musalaabage,
tluhumisakuu ina!”




Da hhe 'esi, Pilaatu gugi
tosaa taataahhi Yeesu dabaïï
gu sirikaariteesii, ma dugu
hiitluhumisi musalaabage. Inkoo,
gurigi tosaa waaudiri Yeesu. Yeesu
tay hii geregedi musalaaba gosi, gii
cañ, gi yade khu 'usi daqa daa
eteediidine na “Faraa da Saga,”
hari gimba gu Eburaanaisoo
na “Goligoota.”



Te 'esii na daqa dugwaa ilii
tluhhumisi musalaabage
sliimaa haa hida wakinay
cada, leē hari bara da/uya
haa gu caduu
hari bara da
basa, Yeesu
tla/ange.




Cencee da letu gi maydi hiida/araa, kara pasiyaa da mara gu didiru gu Iliitleemu gii feehhiti kaeeri cada. Da hhe'esi, Yeesu gii/aa/si hari afoo da didiri, gi kaay tuba, "Ye Taataa, dabaī kokuu haā qaasi muuna goy." Giyaa ilii hhe'esi kaawaraa gimbaki, gi tosaa hhami.




Inkoo letutee qatlay daa ilii day
khwayaïï, daagi khay heedi waku,
uma gosi naa Yoseefu gu
tongoo da Arimataaya.

Ina yaa gaduwaa gu
balasaa da didiri,
daa/mbi ha hida,
ina see yaa
baqaaqamidi



khawaraa
da Tawaaloo da
Iliitleemu. Da
hhe 'esi Yoseefu gi
hadakay hari/atlimaa
daqa Pilaatuge, gi
firimi tuu 'una da
Yeesu, magi
qaasa kay.





Da hhe'esi Yoseefu gi kiriga kay
qayru gu/abaaku sari qaasaraa,
yaagii/eetisi tuu'unatee da
Yeesu musalaabago, gigi
khiidimi hari qayrukee,
gigi tosaa qaasi ayisa
daayii khuri onke.

Da hhe 'esi yaagii
gwangwaraai tlaa/a
da didiri loi afa gu
ayisateesii, ma
ilakhupisi ayisatee.



Inkoo, daa ilii cati baloo da
Ilakhuukhu 'umisu,
heetlaalee dosii naa
baloo da Sabaato.
Hhapalooee da deni
haa Farisaayoo, gi ilii
hadakayri Pilaatu.



Inay sugugi kaayri tuba,
“Looimoo, dandiray hangii
slayni gimba leē,
hiicorimiisaykira
yaa kaay, giyaa ilii
kahhiye slafi tuba,
‘Baloo da tamiige
haa slafa.””



Teesaaqay, inay gi waaudiri, gi
ga/ayri ayisatee nara 'a
haa gigi illiqaasiri
muuuri tlaa/atee da
didiri, haa gi qaasiri
sirikaarii da ga/aw.



Inkoo, baloo da Sabaato giyaa ilii
catidi, daa iliipisi baloo da pandaa
da kuiya, Mariyaa Magidaleena
haa Mariyaa da cadii yaa
waaudiri, gii yu 'udakayri
ayisa da Yeesu.

Yu 'udaa, daagii
cañ kintla gu didiru,
sa gimba malayika
gu



Taataa Iliitleemu
yaay/eeti yadaa
rawaa gu rawgo,
gi gwangwaraai
tlaa/atira ayisago
haa gigi ilii ibiidi.



Te'esi sirikaarii daa ga/aa/awa
ayisatira, gi dakhadakhiri
sa tla 'amee da didiri,
hinti kaka/ri pahha.



Te 'esii, malayikakee gi kaay sa tigay
hhakee tuba, "Hhanti tla 'amutay!
Ana haā caahhi tuba, unkuray
Yeesu haguni damaamitay,
dingii tluhhumisi
musalaabage. Ina
wanaaba ti 'ii! Hii
slafi, idoo giyaa ilii
kaay gooay.



Khocaa arima daqa
duguū ilii qaasi."




Teesaaqay, tigay hhakee gi waaudiri ciraai
ayisago, konay amaaoo haa hha 'aloo
da didiri. Inay gi taa'amidiri, gi
kaawa kayri sa sirakoomiisee dosi
gimbakee. Cirakiray, Yeesu
hingigi slaslayri haa tigay
hhakee haa gigi cehheemisi.
Tigay hhakee gugi iliisatiri,



gi ooyiri ye 'eeroo
kosi, gugi hha 'aleesiri.





Qariqaaqari, Yeesu ginaa asu iliicaí sirakoomiisetira tosi da mibi haa leẽ, qatlay giyaa ilii /agiiginee daqa lenge. Te 'esii ina gigi ilii maahhi sa /imbaratee tooina daa hhaka, haã sa karahhamuu gu muunaïí koina see, sa gimba saa si 'iri /imbaraa gimbakee sigaa kaay ha hida hhakira, gwaa giyaadee arimaa ina, yaani slafi.

Qatlay Yeesu Looimoo gu Goõ giyaa ilii hhe 'esi coco 'omoo sa sirakoomiisee dosi, da hhe 'esi ina dugurigi tosaa waaudi rawaa gu rawge ha Iliitleemu, gi ibinaa kay hari bara da daba gu /uya gu Iliitleemu.



Iliitleemu yaa slai hida gu khooroo, ina
yaati amoolaa hadisi Nankosi gu leẽ,
kila heedi goó/imbá ina, ma may
hhama, ina hiti slaye slafimaa
gu koraraa haa koraraa
goóba hiifaakoo.



Waruumi 3:23 Hida goō hiī yondiidiri tlakwaroo haa yoó afariibukudiyayi wanqamee da Iliitleemu.

Waruumi 6:23 Gu lou, bueemaa gu tlakwaroo ti gwaa ' araa. Sawaadii doó hadisiye ha Iliitleemu ti ibinaa da koraraa gooba hiifaakoo hari amoo da ilagaasaraa haa Kristu Yeesu, Looimoo goori.

Waeburaaniyaa 9:27 Iliitleemu gooay, idoo giyaa ilii ilakuukhu ' usi, hida sliimaa ti kakaīyay waa leē kilesi, da hhe 'esi ina gigi hukuna inay.

Waefeeso 2:8,9 Unkuray dangwaati ilabu 'umi ha Iliitleemu hari hhoinay gosi gu didiru, hari amoo da /mbaraa dooguna Yeesu Kristu. Gimbaki yaatii caī hari amoo da maguuma doogunaaba, haā ti idoo sangoó qaye ha Iliitleemu hari ihīī 'i. Kara, hari amoo da yondu googunaaba guhhou, heedi lensee hingimaa baatii giiduubi.



Waruumi 10:9,10 Sa gimba, bere kaada hari afa googu loi tuba, “Yeesu ti Looimoo gu Goō,” haa gi iliipa 'anta muuna googuu tuba, Iliitleemu gwaa slafisi ina ayisago, dugu ilabu ' una. Heedi yoóti/imbí Yeesu hari muuna gosi, sa gimbakee Iliitleemu gu tosaa faadi kona ibinaa daa tafa ' adi pandaa dosii. Kara, yoóti kaay hari afa gosi, dugu tosaa ilabu ' una.

Yohaana 3:16,17 Iliitleemu yaa slai hida gu khooroo, ina yaati amoolaa hadisi Nankosi gu leē, kila heedi goó/imbá ina, ma may hhama, ina hiti slaye slafimaa gu koraraa haa koraraa goóba hiifaakoo. Iliitleemu yaati ya/abiiba Nankosi khoorooge, ma hukumi khooroo. Ina gwaati ya/abi, hari amoo dosi khooroo dagama ilabu ' umi.



1 Yohaana 5:11-13 Ilatlawatee na nahaā tuba, Iliitleemu sindii hadisi slafimaa gu koraraa haa koraraa goóba hiifaakoo, kara, slafimaa hhakee wanay daqa Nankosii. Kila heedi gu kooma Nanku Iliitleemu, hikee kona slafimaa hhanki gu koraraa haa koraraa goóba hiifaakoo. Ina guba Nanku Iliitleemu, hikee konaaba slafimaa hhanki gu koraraa haa koraraa goóba hiifaakoo.

Ana sangu handikiikima gimbaki sa unkuray, goó/ímbanee uma gu Nanku Iliitleemu, ma caahhadiri tuba, unkuray kontay slafimaa gu koraraa haa koraraa goóba hiifaakoo.



Mataayo 26-28; Luuka 22-24; Yohaana 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Burunge Bible (bds) © (Active), Wycliffe Bible Translators,
Inc. All rights reserved.

<https://www.bible.com/en-GB/bible/2304/MAT.1>

©2024 Bible for Children, Inc.

www.M1914.org

www.bibleforchildren.org

